

五

峯

遺

稿

五峰遺藁序

中齋秦公以文與政望於時
其政之大且著者載諸金石

兩朝實錄采其大者士頌其

節有公論焉乃若其文陳家
之良懷必爲人所叩而爲世

為吏事之歸意其必有巨編
盈千而公當作時而不稿以棄之
柳棄去存者什四三年公卒
之二十三年其子太常君國英
校故篋而手錄焉以錄於人僅
得若干篇既屬潘君從芳校

而成帙則來視寶寶以公權寸
博學施諸以政宜之入賀謨謀
出任繼昭俾澤被海內乃逕迴
躬藩而疾痛爲之泣者以公無
特取忌於時夫固若之然者若
夫文之妙逸抑以何哉寶昔在

象師猷柱羅太史圭峰圭峯
建昌人也於公為相知幸論之
寶謂公如愛極繼元之以蘇又
益之以歐詩如馳騁中唐名手
其風極現而矯枉時取而少之
漢家諸蘇亥以不為當故不就

如斯至嶠曰然然公寸祗英氣亦
昌矣邁矣論若國尚先之予
曰然之是業也出將名以予与至
峰然乎初國英乎是業也其
從元瑞安尹國重君見之物任
梓事以用書步之從物以承史

中丞國朝君於湖南平丞資
之加亟且以爲宜屬謗寶生
也晚於公之又備致先生書以拜
忘年之辱至公加引重焉以齒
以由之皆前輩行也序君志敢
於國英再誌益勸遂書而告

論者歸之云細樂多堂然山第
五峰下紫氣焉我故有公諱
夔字逢韶由天順庚辰進士歷
官南象兵部主事郎中武昌
建昌知府福建茶政江西布政
使叙任以年中齊其自號也

吐系事以具銘勅作

通議大夫戶部左侍郎

賜主侍養前都察院左副都

御史總督漕運冊汪邵寶序

五峯遺稿目錄

卷一

四言

五言古選

卷二

七言古風

卷三

七言古風

卷四

長短句

卷五

五言律

卷六

五言律

五言排律

卷七

七言律

卷八

七言律

卷九

七言律

卷十

七言律

七言聯句

卷十一

七言絕句

五言絕句

卷十二

七言絕句

卷十三

詞

卷十四

記

卷十五

序

卷十六

序

卷十七

序

卷十八

行狀

卷十九

墓表

卷二十

誌銘

卷二十一

誌銘

壙誌

墓碣銘

德政碑

卷二十二

雜著

卷二十三

附錄詩

卷二十四

附錄文

五峯遺稿卷之一

詩

四言

余友潘繼芳於所居植竹數挺森然如玉以
玉林自號索余詠之

瞻彼脩竹叢生於林既勁其操亦虛其心勁則不阿
虛則不足彼美君子德比於玉東園有花灼灼其容
豈不可憐我心匪同爰思古人此君是愛千載悠悠
清風斯在

五言古選

送錢惟章赴秋闈

秋槐零落衢多士駿奔走溫溫我同志
言別對尊酒氣酣秋風前壯志拂南斗
十年討麟經筆削遵魯叟孤燈海鶴樓
玄理得細剖賦詩不在多往往逼陶柳
清晨杜新作妙語驚老朽豈意明月珠
居然落吾手茲遊真快意行色莫令後
側聞主司公於文折妍醜捷音何時來
秋天獨搔首

七夕感懷

今夕是何夕增我中鬱悲露坐臨前除
涼風吹我衣仰示天宇高河漢尚依微
生平二痴女此夕恒自嬉

乞巧拜天孫狼籍施畫眉佳人宛如昨人事良已非
死者長已矣生者尚睽離生死嬰我懷太息空淒其

又

淒其豈足惜時序不可常轉盼秋節至商飈扇微涼
玄蟬號古木蟋蟀鳴我牀日月如跳丸倏忽無留光
先民貽高矩及時當自強盛年難重來老大徒悲傷
負此可奈何沉綿熱中腸

能仁寺避暑

溽暑苦煩憊沉竝塵務嬰東帶伍群吏簿書侵相仍
晨興戒良朋避地城東行上人支遁流愛客倒屣迎

開軒具香茗燕坐有餘清棋聲既剝琢壺矢亦琤琮
山肴雜前陳斗酒時復傾匪惟貪佛日亦以舒道情
油然澹忘歸林末蒼煙橫

養菴

洪鈞陶萬類形賦理亦俱彼昏汨其天聖狂始殊途
若人有道士操存謹酒吏棲志浮雲上宅心恬淡區
衆人貴苟得我獨安以舒戒慎保靈秀擗將復其初
至理諒有得浩氣隘寰輿炯然靈臺內不受一物污
載瞻老成風余紳宜見書

東安道中

南人喜乘舟鞍馬非所便自我離京師陸行苦遠
遭長驅竟終日黃塵暗幽燕平原莽千里四顧無人
煙况茲冬欲暮寒風正淒然霜嚴裂肌膚指直不得
拳僕夫亟告勞長跪向我前下馬語僕夫窮途須勉
旃丈夫豈兒女壯志恒在邊微勞詎足惜去矣行策
鞭

臨城驛夢亡女

遠行筋力疲下馬憇荒甸詎意酣夢中得覩亡女面
慰我行役勞骨肉情繾綣離披身上衣猶帶慈母線
含悽向我啼苦索釵與釧我行幽燕中辛苦髮欲變

親知誰念我汝死猶眷戀語盡輒告去倏忽無所見
欲泣畏人唾吞聲淚如霰

老病惜春因誦淵明客養千金軀臨化銷其
寶之句感而有作

人生百年內誰不愛其身一朝隨化盡飄蕩松下塵
術士養至寶嚙復元和津偷生雖須臾終當反其真
曷不飲美酒惜此芳菲辰歲月不可留倏忽如轉輪
咄此可奈何黯然傷我神

和韻奉荅呂太常秉之

年衰業荒陋方茲抱深耻胡為明月珠忽墮襟懷裡

紙長三過讀衮衮良足喜一字華衮榮令我歛衽起
洋洋追國風瑣瑣陋餘子吁嗟少陵後老眼獨見此
憶昨相見初坐對忘寢處方賁一函表獻壽聆
聖語忽然遭凶變世事固難擬北首懷九龍南音托
雙鯉洒淚讀遺詔慷慨憂國體側聞先相國夙昔貽
高矩世美今重攀聲名信佳矣行當接亨衢洒翰鳳
池水矧當龍飛初

九重崇化理匡時須稷卨毋使風俗靡

清澹軒為楊進士宗周賦

大朴久已散薄俗何駸淫紛紛富豪子驕奢恣揮金

金多氣益肆侈慾溪壑深若人關西裔千秋嗣徽音
淡泊以為操謙冲以為心瑩然靈臺內不受一物侵
名軒警朝夕肅若上帝臨軒中何所有濁酒無弦琴
勗哉慎所守行作商家霖

壬子歲送莫善誠鄉試

潦水三尺深郊原渺無涯千室但聞哭何以供晨炊
君今乘大舸去去將何之陌頭槐花黃獻藝當及時
知君富文學落筆超等夷一舉八餘事所憂在瘡痍
願陳萬言策上達
明主知為民解倒懸不負胸中奇歸來壽而翁榮光

照門楯

贈謝郡博

謝公閩中豪顏色清且溫風流名賢後文采百世存
生平飽經術青雲早飛騫一官領庠教坐覺師道尊
昔我守江右勸農旰南村公實來上謁遇我禮數敦
解駮文定祠文字得細論詞源驚浩瀚沛若河海奔
別來如參商相思切晨昏公已拜新命老我歸丘園

遊麻源詩

我軍已脂輿肅肅將遠征忽茲懷名山整旆西郊行
雲心何盻盻山勢縱復橫探竒恣幽索攝衣歷崢嶸

疊嶂露遠碧高楓眩鮮頰雲磴水自春石田雨還耕
紅泉落飛磴下墮千尺坑翳翳寒日薄泠泠谷風清
父老喜我來壺醕時復傾羽人喜我來雙吹紫鸞笙
謝公已淪沒華子亦飛昇可憐翻經臺荒哉委榛荆
丹砂不可覓詩法誰與評遠景入孤眺老眸增雙明
感懷一踟躕浮踪愧流萍勝遊諒難續臨發徒含情

挽劉安人

鴻鵠必雙翔鴛鴦不獨宿如何琴上絃一斷不可續
賢淑苦不壽短世如轉燭羅幃棲暗塵暖閣餘殘馥
神傷念夫子悽悽感幽獨織錦思舊機折花想芳躅

韋廉求鳳篇惻愴不忍讀我歌招魂詩聊効楊朱哭
題趙氏遺澤卷

王孫宋宗室楚楚人中英雖居布衣列文章動公卿
尚書實行革學士為友生虬髯紫霞頰色映冰雪清
圖書滿篋笥玉軸紛縱橫竭來數十載家聲尚輝亨
相承得孫子發藻擅老成讀書奉先業不為利祿營
采采東籬花晚節何敷榮傳經漢劉向千載同芳名
潘繼芳母辟繡課讀卷

燈影照無睡辟繡還課兒牀頭有遺書生計良在茲
願兒日新功有如手中絲累絲可成帛積學方乃奇

空堂兀雙影嫋嫋遠自悲梧桐落疎雨簾幙吹涼颼
寒蛩催織作兒寒恐無衣所希學有成辛苦寧足辭
作詩表賢行庶使觀風知

挽盛恭人

嗟嗟盛氏母賢淑世所無夙昔諧配偶閨門垂令模
上堂事姑嫜肯令恩澤踈永夜勞女工清燈恒辟纒
良人客選方辛苦守其廬主饋良匪難所重課兒書
中年畢婚嫁室中富羅襦鳳毛亦輝赫飛揚登玉除
聖主許推恩我冠映華裾余時忝通家屢得問興居
母笑喜我來中庭羅果蓏一朝人事異零落歸丘墟

如何百年內身與逝水俱長歌招魂篇淚洒江漢隅
芳洲別思送李秋官考績北上

芳洲新雨霽洲上花蒙茸君乘駿馬來玉轡搖玲瓏
春風吹柳枝消瘦不堪折下馬傾玉瓶徘徊與君別
念君年雖少心似江水清三年典刑書省署蜚英聲
明發江之涯北上謁

明主袖中萬言書磊落衆所許君行何時返洲末美
蓉秋無爲久淹滯令我心中愁

挽文峯楊士熙

楊生麟鳳傳丰采照華屋平生架上書過眼不再讀

十齡作行草道勁不露肉走金綰秋蛇奇恠駭衆目
十三攻文章出詞類老宿弱冠思益壯浸淫吐醲郁
尤工寫生趣胸中富淇澳禰衡才獨俊餘子空碌碌
方懷凌雲志感慨見妖鵬賈生竟夭折短世如轉燭
嗚呼清廟才遽爾掩丘谷安得巫陽招聊効楊朱哭

送友歸姑蘇

都城飛柳花遊子念家室晨興戒行裝歸思千里逸
念子同鄉彥獨抱冲素質瀟洒六尺軀不受塵網絏
出館坊東門觴酌動離瑟睽違自茲辰會晤知何日
路指吳苑遙目送江帆疾何以慰相思時寄尺素一

寓閩藩謝盱江趙允用見訪

君從逆旅遊莫戀邯鄲枕我聞一峯言內愧忘食寢
卧病三月餘素食費官廩秋風鱸魚肥歸計吾已審
歸田志喜

處世曾幾可白髮已垂領歸來南山下畢此垂老景
抱疴覺今衰趨榮悼前猛悵望山中雲悠然發深省
又

服美人共指高門鬼恒窺顧茲居處崇豈與衰老宜
所恨讀易晚白首歸耕遲不如鷦鷯鳥卑栖恒一枝
感寓

昔聞河間婦夙行脩群醜出門氣揚揚尚教里中母
里母掩口言爾顏胡不厚咄哉脂韋士內省宜自咎

又

群犬何狺狺當路欲噬人惡聲布通衢行人詈且噴
豈不思遠之欲避苦無因欲鼓樊噲刀屠爾皮陳

又

黃狐跳我梁鴟鳥啼我門孤坐正無寐惺惺又復言
群媚乘夜出紛然惱精魂回頭語群媚幸此星月昏

慰友人

昂昂青海駒奇姿人不識霜蹄無由展終歲淹皂櫪

偶然值孫陽一笑為拂拭長鳴感知已高價萬金真
物理古則然因君三嘆息

田舍感興

罷官處城市恒苦百慮關茲晨草堂上一笑心自閒
閉門謝俗子悠然對青山都忘是非想坐看雲飛還
又

夙昔慕丘壑性本抱謙冲一為名所累十年走西東
讀易苦不早動與悔各逢歸歟勿復道仰慚冥飛鴻
又

十年困簿領白髮生滿顙一朝釋重寄病骨當漸蘇

昔如壁上蝸今為水中鳧獨有感恩意未敢忘須臾

又

夢回秋堂上捲幔山歷歷朝陽從東昇山氣忽變赤
老夫意忻然一笑忘百疾起坐嗽王津諸念已屏息
此樂只自知俗子固不識

挽徐封君

先生南州裔夙抱丘壑姿少小厭從軍歸卧南山陲
隱居謝蒲輪長歌招隱詩平生敦古道孝義真自持
布衣上憂國輸還費金貲高名動

天子激揚被恩私翩翩烏紗巾輝映白接離矧茲丹

穴雛聯翩耀明時
朝看湖上花
暮啖山中芝
杖屨日
逍遙百年以爲期
如何乘化遷
奄忽迷所之
老成倏
凋謝
增我中鬱悲
緬瞻黃鶴雲
敬賦招魂辭

秋夜感懷

庭空萬籟寂
秋夜何沉沉
玄蟬響木末
蟋蟀鳴階陰
良宵萬感集
露坐還整襟
盛年難重來
髮毛白易侵
及時當勉學
宣聖有遺箴
中歲尚無聞
悠悠傷我心
援琴鼓商調
悲風聊自吟

八功德水

高僧示寂
文靈泉流至今
光搖青蓮界
色映祇樹林

含腴漱石髮印月明禪心諒因象教力流遠源更深
之子詩家彥覽勝時一臨聊歌濯纓詩一軟清塵襟

贈陳遜菴

陳公忠臣裔髮白顏尚啟乾坤一布袍逸氣不可攀
西山朝來爽豁公眉宇間身將道德隱心與雲水閒
宋社已為屋家聲兀如山洒落富清製才力老未慳
明珠忽見按照我衰颯顏唯公丈人行言論風化關
願從朝夕遊訂我冥與頑

送某太守之任

先生人中英髮白壯心在剖符恒宇
邊策略何為存

遂令胡馬群不敢飲遼海

君王憂邊陲藉爾作元凱蕭蕭黃沙磧居民自樵採
君才若霜刃詎為盤錯改賢哉雁門守英風共千載

高郵阻風

湖寬多悲風月色淨如畫凌空駕雲濤平地擁岡阜
聲噴千夫號勢捲萬馬驟沙平走狂濶灘轉回急溜
輕帆疾於箭飛鳥翻在後山頭鵲鵲呼水底魚龍吼
又容貪程期肩進真錯繆快意多所憂陰定還自咎

題盛堯卿筠谷卷

懸崖何玷危脩竹如倒植漠漠垂大陰娟娟弄新碧

谷虛引清飈節勁饒古色瀟洒鸞鳳栖昏冥鬼神宅
孕靈何庚庚鮮籜時撼撼孤標學士拜材美中郎識
擺脫塵穢清盤旋土花蝕凌空舞鳳翔揮漢作鰲極
氣含蒼梧雲響絕湘女瑟雖無廟堂求庶免斧斤厄
何當得玉猷把玩登絕壁

田舍感懷

日晏攬衣起出門看東作崎嶇既登丘窈窕亦尋壑
釋重身始輕居閒心自樂歌罷歸來篇一笑山花落

又

聖主務更化

卜廣官貴得返西園

橐中無私金架上多古書俯仰兩無愧送老南山隅

又

田舍麥秋至蕭然風雨涼新竹半含籜野花亦吹香
燕坐消百憂當歌酒盈觴已忘形骸累終焉此徜徉

又

少小學干祿出身際皇虞一麾守名郡翩然兩輪朱
繆書上上考遂忝蕃垣居忠梗未及展病矣歸田廬

又

抱疴昧先幾冒進貽衆訕歸耕亦不惡何必羈遠宦
脫巾赴西村採榮渡南澗誰知山林中亦有魚羹飯

哭夢兒一首

汝質何太敏汝貌何太奇昔我生汝日正當歸省時
華堂啟清宴光輝照門楣撫養望成立今歲行及朞
骨格漸長成語言已侏離皇天胡不仁夭折竟遐遺
我淚如迸泉我腹如置錐母啼不可聞哀哀雙垂
漲乳空滿牀不能救兒飢况復在異鄉痛切欲語誰
汝祖年半百髮白日就衰去歲自得汝喜氣盈雙肩
朝夕恒抱弄茅簷就春熙自云得見孫晚節足自怡
昨我被明詔携汝來京師汝祖親抱送繾綣來水
涯此後頻寄聲但令善撫綏豈知主特別乃是永訣

時鄉人昨夜回不敢附書知老人不柰驚恐增無益
悲我生命何蹇中歲遭百罹不願五馬貴不慕千金
貲吾兒苟無恙貧賤甘如飴所志旣不遂嘆息空拊
髀恩情何時絕永言長相思夜來入我夢分明見容
儀舉頭觸我懷以手挽我髭覺來失所在落月空淒
其燕山冰雪寒幽魂竟何之欲歸界長江風浪應難
支題詩招不來腸斷情如痴

五峯遺稿卷之二

詩

七言古風

分得秦淮送蔣進士惟深之京

君不見金陵王氣鬱葱葱秦人昔奉咸陽宮祖龍一
笑奮狙詐䟽鑿却費千人功鑿開平陸通雲海從此
金陵添勝槩秦氏山河轉眼非望中佳氣今猶在一
灣如練環城隅鳬鷺鴻雁爭來居葡萄水綠可為酒
桃葉波平堪釣魚六代繁華幾消歇朝暮潮聲尚鳴
咽堤上年年楊柳垂長與人間管離別春風送客臨

芳洲杜紅蘅碧令人愁丈夫一心戀
天子應似秦淮東向流

題芳草圖

東風綠遍江南草露葉絨春覺春早點染誰將寫作
圖雪舟之人今已老霜臺先生髮半華十年遊宦天
之涯鄉園咫尺歸未得見爾青青應自嗟

題淵明歸去圖送郡守吳公致政南還

君不見柴桑處士真可憐節義耿耿摩雲天眼中富
貴直土苴一尹何足羈高賢風塵世路饒荆棘典公
江山已非昔衆道先生懶折腰吁嗟此懶無人識解

官早賦歸去來故園三徑生蒿萊兒童迎門拍手笑
笑指阿翁江上回先生一去今何久仰止高名懸北
斗後來繼者復有誰延陵孫子蘭陵守早年擢桂趨
群英黃堂佐政蜚英聲寬平自得民吏愛一片襟懷
冰雪清終年辛苦憂民疾九載循良如一日繡衣使
者飛薦章

聖主恩深許增秩秋霜昨夜增鬢絲無端忽動鄉園
思成功身退合天道坐待滿足知何時一封丹

詔來南極賜歸又拜專城職十月寒風五馬嘶老稚
攀轅留不得君家正住鑑湖濱門前五柳搖青春陶

公風節依然在誰道今人非古人

題王別駕築堤捍水卷

河堤夜決潯沱北坐見洪波起平陸桑田化作魚鼈
場父老哀哀向天哭風流別駕人中龍下車頓覺聲
隆隆捍災禦患屬能事笑談獨障狂瀾東長堤築得
期悠久插遍千株萬株柳濃陰十里比甘棠歌頌洋
洋滿人口君不見彭城太守眉山翁築城曾禦洪濤
衝黃樓千古宛如昨各與穹壤相無窮丈夫事業人
爭覩誰道今人不如古作詩聊以比民謠世上白圭
何足數

題杏花書屋

君家屋頭多杏花千朵萬朵蒸紅霞題詩兩度于君
座醉墨斜欹行暮鴉饒君滿屋藏科斗我意不如多
置酒花時與客醉千觴何必著書圖不朽

東華早朝圖為陳全寅賦

宮鳥啼殘輓轡轉雙闌明河半清淺虎豹森嚴未啟
關清漏遲遲出花遠老蟾騰輝當碧空欲落未落磨
青銅漢家離宮三十六倒影盡浸冰壺中東方曠曠
漸開曙輕露霏霏落紅素微風低拂洛陽塵香霧尚
迷溫室樹長樂鍾聲曉更催九天闔闔參差開風流

憲家聲萬金重南宮初收題柱名北闕還期濟時用
藍袍玉勒胡青驄銀燈照路光玲瓏袖中携得匡時
策擬奏

君王補治功

送人還松江

金陵城中花滿煙金陵陌上酒如泉送君臨岐一握
手欲別未別心茫然疋馬遙遙向東去黃金作鞭光
照路長安雖好不如家翹首吳門隔煙霧君家遠在
雲水鄉正近吳王舊獵場海錯登盤玉脂滑鮮尊出

水銀絲長荒亭鶴去空塵跡三高祠前秋月白惜君
未得從君行斜日無言正愁寂

送俞武元會試

廣寒老桂枝婆娑倒影萬古懸山河人間可望不可
折神物守護相撫訶俞君平生富才術文采風流最
奇絕養成五色冲霄翰直上三山白銀闕就中仙娥
驂素鸞雲霓為裳霞作冠一枝折贈露猶濕兩袖習
習生清寒携來人間渾不識從此蟾宮遂通籍可笑
喧啾百鳥群終歲栖栖守叢棘上林三月多杏花千
樹萬樹蒸紅霞請君且停折桂手凌風還到

天王家

題李少卿湖南春意卷

湖東三郡十萬家比屋藹藹饒桑麻宜暘而暘雨則
雨澤及枯朽皆萌芽西疇禾黍芄芃秀如此豐年亦
希有至和感召誰所為藩垣相臣經國手五花作袍
宮錦新民物到處勤咨詢遂將一念不忍意大地化
作湖東春一篇雅頌關風化都憲才名重天下太平
無象今有象青史他年長光價

題過廷章畫松壽梅林錢孟洪

秋先生妙天趣寫出長身兩松樹虬枝偃蹇鱗鬣

成白日摩崖欲飛去冰霜歷盡色愈青雲霄青出
無聲老鶴靜
滿堂煙霧秋冥冥摩娑老眼
看圖書蒼潤雄深美無價經營意匠妙入神泰山真
龍此其亞梅林丈人冰雪容避世亦似商山翁生綃
一幅東牀意願祝遐齡松樹同

榮壽堂

堂上雙親喜借老髮毛如絲顏色好承恩況受太常
封五色
天書賜來早天書煥爛照金泥花蝶封羅
製舞衣一門榮盛有如此頓使鄉曲生光輝賢郎聲
價超今古又喜移官向烏府袖裏封章不畏人披歷

真期報

明主人生至願在榮親榮壽兼全復幾人金錢好買
宜春酒稱回高堂莫厭頻

金陵送寅友北上

金鞍玉勒胡青驄越羅衫袖迎春風翩翩意氣留不
住報績遠上蓬萊宮勸君滿酌金陵酒同上芳洲折
楊柳噴香水綠生遠情握手踟躕話來又渭河北上
愁人心官河惜水如惜金千艘聯尾行不得犁牛汗
血人悲吟山東民力今疲極斗米尤聞價盈百
君王肝食思群策素對從容定前席好把長才

坐使吾民頽蘇息

吳節婦

其子鵬舉求

天風吹斷鴛鴦夢，寂寞羅衾與誰共。啖蘗餐冰四十
年，鮮使身名萬金重。白首深閨度歲寒，春花秋月淚
闌干。相如漫說能完璧，完璧何如完節難。

壽馬廷美夫婦

雪蓬居士滄洲客，七十年來頭半白。逢人大笑劇千
場，世上閒愁渾不識。閨中阿婦叔且賢，年來雙鬢亦
皤然。相看老大百無事，抱子弄孫花底眠。狐南昨夜
光如燭，海山又見蟠桃熟。壽筵開處沸笙歌，白日神

仙降華屋

題趙氏雲山圖

雲山蒼蒼雲木疎中有異代王孫居九峯當門畫不
如春雨高齋聞讀書門前溪流漲碧虛時有釣艇移
來孤松下丈人沮溺徒醉來往往折簡呼採松作薪
雲作廬釀酒有泉烹有魚陶然鼓腹歌唐虞人言王
孫最殊我亦厭為名所驅欲問
君王乞鏡湖歸來買田溪水隅為問王孫容我無

石鐘山為湖口王尚忠賦

石鐘之山何穹窿坤靈毓秀彰神功氣凌五老逼斗

宿勢壓巨浸，龍宮巍然中。流屹砥柱，美暢其外虛。
其中白浪滔天，忽振蕩鯨音，怒吼隨長風。乾坤塵夢，
倏喚醒餘音，嫻嫻摩蒼霄。舟人漁子，昧所自坐，使此
經常，膝隨從來，誰能發其闕。東坡老子，人中龍，夜深
擎舟傍絕壁，正見明月生天東。噌吰鏗鎔，悟靈響一
洗萬古，群疑空。王君逸思，出人表，好事客與坡仙同。
奇文秀句，漫搜剔，鐫刻崖石，垂無窮。

泰夏登麻姑絕頂，值雨時旱甚，書此識喜。

瘴雲滃鬱，濃如許。龍公試手初行雨。驕陽斂，虐旱氣。
銷六月，深山不知暑。天瓢一滴甘若酥。出門偶爾來。

隨車田間老農錯料事却道使君誠所孚山村處處
香醪蒸擊鼓明朝報神福更祈秋後刈得晴坐使吾
民衣食足

贈陳玉溪

明良賡歌詩之祖繼此後有三百篇去古已遠漸失
真體製變化如雲煙盛唐已來有子美偶爾崛起才
無前鵲然忠義溢辭表直與二雅相比肩子美已遠
良可惜千載伊誰繼其跡太丘孫子富才華風流真
是詩中伯紛紛作者非不工學問淺近空豪雄臨寫
古語不足數徒爾揮洒成老翁豈如先生抱經術落

筆隱隱聲塵空暗置故事人不識探摘幽隱無終窮
吾知亞夫且堅壁縮手閑筆避鋒鏑擬將經術頗闕
歷還取少陵為準的然後與子作仇敵豈肯遽爾甘
寂寂

登觀瀑亭

麻姑之泉天下名有泉不可無此亭作亭觀泉亦偶
爾辭使俗眼常醒醒奔流直下蒼崖裏千丈玉龍飛
不起萬古長流無盡時吾道淵源亦如此鏗金碎玉
聲潺潺恍惚置我匡廬間銀河句好續不得日暮恁
然騎馬還

春日省耕便道之麻姑山

迎仙橋上花冥冥通會郭前春草生歡聲夾道民吏
迎爭言使君來省耕使君十年專兩城武昌樊口舊
所經政令未一民未寧耿耿徒有憂民情爾時郊原
雨初晴嫩寒著人羅袂輕桑枝拂地雉不驚野蠶欲
眠啼亂鶯羽人白髮衰顏賴勸我遂作麻姑行麻姑
山高天下名芙蓉插天真削成石厓崢嶸龍虎爭赤
日下照玻璃明山頭飛泉足練橫下注千尺寒潭清
中有仙人吹玉笙傳是晉代王方平紫綃衣裳織翠
綃翩然乘風下雲輶千年往事誰足憑魯公文字昭

日星穹碑我我立山局上帝呵護煩六丁後來羅公
當代英指斥前輩譏仙靈詞源滾滾三峽傾道在不
作荒唐鳴老禪詩魂呼不醒醉來得句誰與評仰天
一笑氣拂膺蒼煙落日回雙旌

分得大江送沈原節之京

長江西來浩無窮一派上與銀河通風濤晝捲老蛟
怒海月夜照玻璃空孤鳥飛邊浪花白投竿當年笑
狂策元氣茫茫日夜浮滄波渺渺東南坼龍爭虎鬪
幾千秋江上浮雲今古愁英雄不數曹孟德才畧却
推孫仲謀雄圖伯業今何有殘壘蕭蕭半衰柳唯有

坡仙赤壁圖應與長江共悠久仙郎文采照青春
明日扁舟遠問津好好把新詩吊陳跡莫道今人非古人

壽永康侯徐公七十

將軍結髮從鞍馬鐵衣曾戰天山下
詔書遙喜拜元戎命作長城鎮東夏寶刀玉玦千金裘仗鉞遙臨
青海頭平生獨感

主恩厚慷慨期將身命酬綏邊廿載紆籌策鯨海無
波瘴煙息郭今年來最著勲廉頗老去尤輕敵蕭蕭
兩鬢明秋霜年躋七袞身逾強腰間角弓秋月樣臘
日射殺南山狼壽星騰輝屬初度歡聲盡溢將軍府

開筵滿酌涼葡萄醉倚紅粧看歌舞旄頭拂天芒角
新西郊白日飛胡塵赤松未許早歸去推轂還看命
老臣

題太湖李尹卷

花縣郎官憲臺客生意滿腔春拍拍垂簾政暇坐鳴
琴白日空庭少人跡楚江西來環邑城秋波如練生
空明邑中父老時共說恰似使君心事清

贈武百戶

淮陰美人身姓武耻向轅門事行伍太平不學萬人
敵口誦竹枝兼樂府丹青早學曹將軍詩法遠追何

水部草書神速天下知落筆鸞牋若風雨有時揮洒
成畫圖萬里秋空見毛羽去年挾藝遊京師請謁從
教日旁午吳中文士少顏色世上健兒空跋扈賦歸
復上秦淮舟令我躊躇心獨苦肯學班超老玉關辛
苦行間事郊土屈指朝
天已有期尋君擬上清江浦